



Inatsisartuni Ilaasortaq  
Andreas Uldum  
Demokraatit

## § 37-mut apeqqutip akineqarnera nr. 2012-062

08. mar 2012  
Sagsnr. 2012-059854  
Dok. Nr. 844433

Asasara Andreas Uldum

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

Naalakkersuisunut ima apeqquteqarsimavutit:

1. Siumup inuusuttaanut ilaasortat amerlassusaat nikerartupilussuupput. 2008-mi 58-iu-simapput, 2009-mi ilaasortat amerlisimapput 263-nngorlutik kiisalu 2010-mi ikileqqissi-mapput 69-nngorlutik. Suna pissutaava Naalakkersuisut pisariaqarsorisimangimmas-suk ilaasortat nikeramerujussuisa misissornissaat?

Akissut:

Siumup Inuusuttaasa ilaasortaasa allanngorarnerat pillugu misissuinissaq Naalakkersuisut pisariaqarsorisimangimmassuk pissuteqarpoq Naalakkersuisut tatigilluinnarmatigit inuusuttut politikikkut suliniaqatigiiffiisa annilaangassuteqaratik ilaasortamik amerlassusii eqqortumik nalunaarutigisaraat, tamakkumi siusinnerusukkut nalunaarutigineqareersutut ingerlatsinermit tapiissutissanut ilaatigut naatsorsuinermi ilaasarmata. Aamma tassani ilaavoq politikikkut suliniaqatigiiffinnut ilaasortaaneq inuup nammineq aalajangerimmagu, ilaasortallu taakku qaqugukkulluunniit ilaasortaanerminnit tunuarsinnaammata. Taamattaaq nalunaarutigineqarpoq qinersisoqarnerup nalaani, soorlu Siumut Inuusutaani taamaattoqartoq, ilaasortat malunnartumik qaffattartut, tamatumalu kingorna appariaqqillutik. Ilaasortaanermit akiliuteqarsimanermit uppersaammik Naalakkersuisut nassinneqarnikuupput. Ilaasortat amerlassusaat Partiit inuusuttaanit piniarneqarsimapput taakkulu qulakkeerniarlugit Naalakkersuisunit misissorneqarsimallutik.

2. Siumup Inuusuttai ukiuni 2008-miit 2010-mut suliniutinut katillugit taperneqarsimapput 605.821 koruuninik. Piffissami tassanerpiaq Siumup Inuusuttaasa ingerlatsinermit tapi-issutisaraat 130.000 koruunit. Assersuutigalugu partiit inuusuttai allat (IA-p inuusuttai, Demokraatit Inuusuttai, Atassutip Inuusuttai) suliniuteqarnerminnut tapiissutisisimapput 85.000 koruuninik ingerlatsinernullu 55.000 koruuninik. Taamaasilluni tapiissutitut tunni-unnegartartut assigiinngitsupilussuupput, tassa Siumup Inuusuttaanut kiisalu partiit allat inuusuttaannut tunniunneqartut assigiinngitsupilussuupput. Aamma ajortoqartariaqanngikkualarpoq, kisianni aningaasat tunniunneqarsimasut annertussusaat ima assigiinngit-sigaat, Naalakkersuisut nammineerlutik misissuisimasariaqaralarlutik paasinialugu suut tamarmik pissusissamissut innersut. Suna pissutaava Naalakkersuisut isumaqarsi-manngimmata misissuisoqartariaqartoq, soorunami partiit inuusuttaannut tapiissutigi-neqarsimasut amerlassusaat taama assigiinngitsigisut? Tamatumunnga atatillugu aam-ma soqutiginnassaaq paasissallugu, suliniutinut sorpianut tapiisoqarsimanersoq? Taa-

maattumik Naalackersuisut qinnuigerusuppakka, 2008-mi, 2009-mi aamma 2010-mi suliniutit tapiiffigineqarsimasut suuneri nassuiaqqullugit. (Siumup Inuusuttai 605.821 koruuninik taperneqarpoq, IA-p inuusuttai 50.000 koruuninik kiisalu Atassutip Inuusuttai 35.000 koruuninik).

Akissut:

Siusinnerusukkut nalunaarutigineqareersutut Naalackersuisut tatigilluinnarpaat Sorlaap allaffeqarfia tipsernermit lottonermillu tapiissutinik agguaassisartoq malittarisassat atuuttuusut malillugit. Soorlu apeqquteqartup nammineq oqaatigereeraa tunniunneqartut amerlaqatigiittariaqanngitsut, tassami agguaassineq qinnuteqaatit tunngavigalugit pisarmat. Naalackersuisut ilisimavaat Sorlak tusagassiuutitigut aviisitigut TV-milu takoqqusaarutitigut nalunaaruteqartartoq soorlu politikikkut inuusuttut suliniaqatigiiffii ingerlatsinermut suliniutinullu ataasiakkaanut qinnuteqarsinnaasut.

2008-mi suliniutinut tapiissuteqartoqarsimavoq Narsami nuna tamakkerlugu peqataaffigineqarsinnaasumik aasaanerani festivaleqarnissamut, isumasioqatigiinnissanullu arlalinnut.

2009-mi nuna tamakkerlugu ataatsimiinnissamut isumasioqatigiinnissamullu ataatsimut suliniutinut tapiisoqarpoq.

2010-mi suliniutinut tapiissuteqartoqarpoq nutaarsiassalerinermut peqatigiiffilerinermullu pikkorissarnissamut, ukiut 30-nngorlugit nalliuttorsiorneq malunnartinniarlugu, pikkorissarnermut isumasioqatigiinnernullu.

3. Naalackersuisut isumaqarpat politikikkut inuusuttut kattuffiitut tapiissutinik tunnius-sisarneq pissusissamisoortumik pisartoq imaluunniit eqqarsaatigineqarpa periutsinik allanngortitsinissaq?

Akissut:

Naalackersuisut isumaqarput politikikkut inuusuttut suliniaqatigiiffiitut tapiissutinik agguaasarneq pissusissamisoortumik ingerlanneqartartoq. Naalackersuisut sulissutigaat inuusuttut suliniaqatigiiffii pitsaanerpaamik atugassaqtitaallutik sulinissaat, inuusuttummi suliniaqatigiiffii Naalackersuisut isumaat malillugu inuusuttunut pingaarutilinnik suliniuteqartuupput.

Suliniaqatigiiffiit inatsit malillugu soorlu siusinnerusukkut nalunaarutigineqarsimasumi, kingusinnerpaamik junip aallaqqaataani naatsorsuutitik kukkunersioriikkat naatsorsuutillu allat ukiup siulianeersut Naalackersuisunut nassiutissavaat.

Tamatuma saniatigut Naalackersuisut suliniuteqalereerput Sorlak angusaasussat tunngavigalugit isumaqatigiissuteqarfiginiarlugit, tassani aalajangersarneqassallutik Sorlaap suliniutai aamma 2012-imiit nalunaarusiortarlutillu aningaasanik isertunik anisunillu nalunaaruteqartalernissaat.

Inussiarnersumik inuulluaqqusillunga  
Med venlig hilsen



Mimi Karlsen